

#### ԱՐՁԱՆԱԳՐՈՒԹՅՈՒՆ ԹԻՎ 4

2018 թվականի հունիսի 4-ին տեղի ունեցավ ՀՀ Կոտայքի մարզի Գեղաշենի Ռազմիկ Ստեփանյանի անվան միջնակարգ դպրոցի 11 «Ա» դասարանի ծնողական ժողովը:  
Ժողովին ներկա էին բոլոր ծնողներն ու աշակերտները:  
Ժողովը վարում էր դասղեկ Նարե Հովհաննիսյանը:

#### ՕՐԱԿԱՐԳՈՒՄ՝

- 2017-2018 ուստարվա արդյունքների ամփոփում  
ա) ուսման առաջադիմությունը 2-րդ կիսամյակում  
բ) տարեկան գնահատականների ամփոփում  
գ) հաճախումների արդյունքները ուսումնական տարվա ընթացքում:
  - Ընթացիկ հարցեր ( ամառային արձակուրդի ճիշտ կազմակերպում, էքսկուրսիայի կազմակերպում)
1. Լսեցին.- 2017-2018 ուստարվա արդյունքների ամփոփում հարցը:

Ելույթ ունեցավ դասղեկ Նարե Հովհաննիսյանը:

Նա ամփոփ ներկայացրեց դասարանի աշակերտների 2-րդ կիսամյակի արդյունքները և նշեց, որ այս կիսամյակում աշակերտներից շատերը թերացել են և չկարողացան ապահովել բարձր գնահատականներ: Դասարանում չկան գերազանցիկներ, հարվածային է մեկ աշակերտուհի՝ Մանիկ Պողոսյանը:

Նշվեց նաև, որ բացակայությունների թիվը ուսումնական տարվա ընթացքում կազմել է 952 ժամ, որի հիմնական մասը կազմում է Բորիկ Ավետիսյանի և Անդրանիկ Գրիգորյանի բացակայությունները, որի պատճառով նրանք չեն փոխադրվում 12-րդ դասարան:

Կատարվել է դասագրքերի ընդունում և հանձնում՝ առանց թերությունների:

Որոշեցին.

Ի գիտություն ըղունել դասղեկի հաղորդումը առաջադիմության վերաբերյալ և նպատակաուղղված և ճիշտ կազմակերպել ամառային հանգիստը, որպեսզի ավարտական դասարանում բարձր արդյունքներ գրանցվեն:



2. Լսեցին.- Ընթացիկ հարցեր ( ամառային արձակուրդի ճիշտ կազմակերպում,էքսկուրսիայի կազմակերպում)

Բուռն քննարկում տեղի ունեցավ, որին մասնակցում էին թե՛ ծնողները և թե՛ աշակերտները: Բոլորի նպատակն էր ճիշտ ու ուսցիռնալ օգտագործել ամառային արձակուրդները: Տղաների ծնողներից գրեթե բոլորը նշեցին, որ իրենց երեխաները արդեն աշխատանքի պայմանավորվածություն ունեն,որը խրախուսանքի արժանացավ բոլորի կողմից: Որպեսզի ամառային հանգիստը լիարժեք լինի, առաջարկվեց(բոլորի կողմից) գնալ էքսկուրսիա Իջևան, որի կազմակերպումը հանձնարարվեց ծնողկոմիտեի նախագահ Կարինե Շահնազարյանին և անդամներին:

Որոշեցին.

Հանձնարարել ծնողկոմիտեի նախագահին և անդամներին ամենայն պատասխանատվությամբ կազմակերպել էքսկուրսիան՝ միշտ կապի մեջ պահելով դասղեկին և բոլոր ծնողներին, հավաքել անհրաժեշտ գումար տրանսպորտի և սննդի հարցը կարգավորելու համար:

Ժողովի նախագահ՝  
Քարտուղար՝

------ (Վ. Շահնազարյան)  
------ (Լ. Փանոսյան)